

saluti, 25 Ian. 1656 „ (*Rescripta authentica* pag. 613); et in *Summario Clericorum regularium infirmis Ministrantium* pariter legitur: “ *Omnibus Professis Ministrantium infirmis conceditur, ut quotiescumque cuiusque propriam I. C. D. N. crucifixi imaginem, quam semel electam, nisi in eventu amissionis mutari nequit, ad quemcumque Christifidelem in articulo mortis deferet, hic si vere poenitens, confessus ac sacra communione refectus, vel quatenus id facere nequiverit, saltem contritus nomen Iesu ore, si potuerit, sin minus corde, devote invocaverit, imaginemque huiusmodi osculatus fuerit seu tetigerit, plenariam indulgentiam consequetur.* „ Alexander Papa VII, *Ut saluti*, 25 Ianuar. 1656. (*Rescripta authentica* pag. 635).

Exemplum alterius speciei habetur in concessiobus, quae aliquando fieri solent a R. P. praesertim vivae vocis oraculo, occasione alicuius audientiae, sacerdotibus qui ipsi Pontifici exhibent crucifixos postulantes ut qui fideles moribundi rite dispositi in mortis articulo illum, ab ipsis porrectum, fuerint deosculati valeant indulgentiam in articulo mortis lucrari: habetur etiam in concessione quae pariter fit ab ipso R. P., v. gr. favore alicuius Hospitalis, ut omnes moribundi qui deosculati fuerint crucifixum cui adnectitur indulgentia a quocumque iisdem porrectum valeant eamdem lucrari. Quoad conditiones standum terminis concessionis: quod si nihil Pontifex dixerit, videtur tantammodo sufficere ut moribundus crucifixum deosculetur, vel saltem tangat, et si compos est sui ut SS. Nomen Iesu si non ore, saltem corde pronuntiet.

§ 4. *De Indulgentiis Coronarum.*

Indulgentiae *coronarum* sunt indulgentiae iisdem adnexae, non quatenus simpliciter sunt obiecta quae-dam pietatis, sub quo respectu iisdem adnectuntur indulgentiae *Apostolicae* et *Terrae Sanctae*, sed quatenus inservire debent ad enumerandas preces quae cum iisdem recitantur. Adverti autem debet quod *coronae et rosaria* promiscue sumuntur (D. 237. 23 Septem. 1775).

Plures sunt coronarum species, sed nos contenti erimus aliquid tantummodo dicere de *Corona Rosarii S. Dominici*, utpote quae maxime in usu Christifi-delium sit, et ab omnibus quotidie recitari debe-ret; de *Corona S. Birgittae*, passim enim modo una cum facultate benedicendi pietatis obiecta, iisdem adnectendo indulgentias Apostolicas, facultas etiam datur adnectendi indulgentias S. Birgittae, quare ne-cessaria est de his aliqua brevis notitia; tandem lo-quemur de *Coronis a Crucigeris benedictis*, quae etiam in personarum piarum usu sunt.

CORONA ROSARII S. DOMINICI.¹⁾

Rosarium B. Mariae Virginis est “ certa pre-candi formula qua quindecim Angelicarum Saluta-tionum decades oratione Dominica interiecta di-

¹⁾ Sanctissimus D. N. Leo Papa XIII variis datis Encycli-cis, scilicet *Supremi Apostolatus*, 1 Septemb. 1883; *Superiore anno*, 30 Aug. 1884; et *Magnae Dei Matris amorem* die 8 Septem. 1892 commendat et praecipit recitationem Ro-

stinguimus et ad earum singulas totidem nostrae Reparationis Mysteria pia meditatione recolimus. „*Breviar. Rom. lect. iv in festo SS. Rosarii.*“ Spiritu Sancto, ut pie creditur, afflatus B. Dominicus Ord. Fratrum Praedicator. auctor... Rosarium seu Psalte-

sarii durante mense Octobri. Cum vero praescriptiones et indulgentiarum concessiones reassumuntur in Decreto *Urbis et Orbis S. R. C.* die 20 Augusti 1885, easdem ex hoc Decreto referimus. Itaque Sanctissimus D. N. Leo Pp. XIII: “Quod dusque rerum Ecclesiae rerumque publicarum tristissima haec perdurant adiuncta, ac de restituta Pontifici Maximo plena libertate, Deo referre gratias Ecclesiae datum non sit.... decernit et mandat ut quolibet anno a prima die Octobris ad secundam sequentis Novembribus in omnibus catholici Orbis parochialibus templis, et in cunctis publicis oratoriis Deiparae dicatis, aut in aliis etiam arbitrio Ordinarii eligendis, quinque saltem mariani Rosarii decades cum Litaniis Lauteranis quotidie recitentur, quod si in mane fiat Missa inter preces celebretur, si a meridie, sacrosanctum Eucharistiae Sacramentum adorationi proponatur, deinde fideles rite lustrentur. Optat quoque ut a Sodalitatibus sacratissimi Rosarii religiosae pompa, ubi id per civiles leges licet, publice ducantur... omnibus qui statim diebus publicae Rosarii recitationi interfuerint, et ad mentem eiusdem Sanctitatis Sueae oraverint, et his pariter qui legitima causa impediti privatim haec egerint, septem annorum ac septem quadragenarum apud Deum indulgentiam singulis vicibus concedit. Eis autem qui supradicto tempore decies saltem vel publice in templis, vel, legitimate impediti, privatim eadem peregerint, sacramentali confessione expiatim et sacra Synaxi refectis plenariam admissorum indulgentiam de Ecclesiae thesauro impertit. Plenissimam hanc culparum veniam et poenarum remissionem his omnibus pariter largitur, qui vel ipso die festo Beatae Virginis Rosario, vel quolibet in octo insequentibus diebus, Sacraenta, ut supra suscepint, et in aliqua sacra Aede iuxta Suam mentem Deo eiusque Sanctissimae Matri sup-

rium eiusdem B. Mariae V. nuncupatum, quo eadem B. Virgo Salutatione Angelica centies et quinquagies, ad numerum Davidici Psalterii repetita, et oratione Dominica ad quamlibet decimam, cum certis meditationibus totam eiusdem D. N. Iesu Christi vitam

plicaverint. Qua de re et illis consulens fidelibus qui rur viventes agri cultione praeципue Octobri mense detinentur, Sanctitas Sua concedit ut singula superius disposita, cum sacris etiam indulgentiis, eorum in locis, ad insequentes vel Novembribus vel Decembribus menses prudenti Ordinariorum arbitrio differri valeant. „Ex decreto vero eiusdem S. R. C. die 26 Augusti 1886 (*Collectio authentica decretorum S. R. C.* n. 5975). “Santitas Sua... indulgere insuper dignata est ut in iis templis seu oratoriis, ubi ob eorum paupertatem expositio cum SSmo Eucharistiae Sacramento; ad tramitem decreti ipsius, solemni modo, nempe per Ostensorium, fieri haud valeat eadem per modum exceptionis peragi possit, prudenti iudicio Ordinarii, cum sacra Pyside, aperiendo se. ab initio ostiolum ciborii et cum ea in fine populum benedicendo. „Praeterea idem SSmus D. N. Leo Papa XIII Encyclica *Quamquam pluries xi Aug. mcccclxxxix* (*Acta S. Sedis xxii. pag. 65 et sqq.*) decrevit ut huiusmodi recitationi Rosarii mense Octobri factae addatur sequens

ORATIO AD S. JOSEPHUM

Ad te, Beate Ioseph in tribulatione nostra confugimus, atque, implorato Sponsae tuae Sanctissimae auxilio, patrocinium quoque tuum fideriter exposcimus. Per eam, quae sumus, quae te cum immaculata Virgine Dei Genitrice coniunxit, caritatem, perque paternum, quo puerum Iesum amplexus es, amorem supplices deprecamur, ut ad haereditatem, quam Jesus Christus acquisivit sanguine suo, benignius respicias, ac necessitatibus nostris tua virtute et ope succurras.

Tuere, o Custos providentissime Divinae Familiae, Iesu Christi sobolem electam, prohibe a nobis amantissime Pa-

demonstrantibus interposita veneratur, excogitavit, excogitatam per sacrae romanae Ecclesiae partes propagavit... (S. Pius V. *Brevi Consueverunt*, 17 Septemb. 1569).

Indulgentiae adnexae huic pio exercitio sunt sequentes:

Indulgentia *centum dierum* pro quolibet Pater et Ave, omnibus Rosarium integre vel saltem tertiam eiusdem partem recitantibus.

Indulgentia *plenaria* semel in anno, die uniuscuiusque arbitrio eligenda, iis omnibus qui integrum

ter, omnem errorum ac corruptelarum luem, propitiis nobis, Sospitator fortissime, in hoc cum potestate tenebrarum certamine e coelo adesto; et sicut olim puerum Iesum e summo eripuisti vitae discrimine, ita nunc Ecclesiam sanctam Dei ab hostilibus insidiis atque ab omni adversitate defende; nosque singulos perpetuo tege patrocinio, ut ad tui exemplar et ope tua suffulti, sancte vivere, pie emori, sempiternamque in coelis beatitudinem assequi possimus. Amen.

Cuius orationis recitationi indulgentiae sunt adnexae, ut patet ex sequenti *Decreto Urbis et Orbis* S. I. C. die 21 Septemb. 1889 (*Acta S. Sedis*, xxii, pag. 254). "Eadem porro Sanctitas Sua, quae singulis Christifidelibus eamdem Orationem publicae Rosarii recitationi per mensem Octobrem addentibus, indulgentiam *septem annorum* totidemque quadragesimarum singulis vicibus acquirendam iam attribuit; in audiencia habita die 21 Septembris 1889 ab infrascripto Secretario S. Congregationis Indulgentiarum Sacrisque Reliquis praeposita*motu proprio* eidem Orationi aliam indulgentiam, defunctis quoque applicabilem, adiicere dignata est *dierum tercentorum* semel in die quovis anni tempore lucrando ab universis Christifidelibus, qui corde saltem contriti ac devote supramemoratam Orationem etiam privatim recitaverint."

Rosarium vel saltem tertiam eiusdem partem per integrum annum quotidie recitaverint, dummodo vere poenitentes, confessione ac sacra Communione refecti, pro christianorum Principum concordia, haeresum extirpatione, et S. Matris Ecclesiae exaltatione pias ad Deum preces effuderint.

Praeterea pro recitatione in *communi* facta, sive domi sive in Ecclesiis aut Oratoriis publicis vel privatis, tertiae partis Rosarii:

Indulgentia *decem annorum* et *totidem quadragenerum* semel in die lucranda.

Indulgentia *plenaria* postrema Dominica cuiuslibet mensis lucranda, dummodo tertiam Rosarii partem recitaverint tribus saltem vicibus in hebdomada, et vere poenitentes, confessi ac sacra Communione refecti Ecclesiam vel publicum Oratorium visitaverint, ibique per aliquot temporis spatium preces iuxta intentionem Suae Sanctitatis fuderint. (*Raccolta* pag. 205).

Conditiones pro *applicatione* indulgentiarum.

Ex parte *applicantis* requiritur; 1^o facultas vel a S. Sede vel a Generali Ordinis Praedicatorum; 2^o ut benedicat coronam formula praescripta (D. 401. 29 Febr. 1864).

Ex parte *coronae* 1^o ut corona coalescat vel quindecim vel decem vel quinque globulorum decadibus; 2^o ut corona consuetam formam habeat. Quare non applicantur indulgentiae Rosarii annulis in quibus sculpti sunt globuli decem ad recitandum Rosarium vel tertiam eius partem (D. 257. 2 Iun. 1836).

Pro *lucracione* indulgentiarum:

Requiritur 1^o ut quindecim decades vel saltem

quinque recitentur uno tractu moraliter sumpto.
(D. 385. 22 Ianuar. 1858).

2º Ut corona manu teneatur atque volvatur dum Ave Maria atque Pater recitantur. Ex Indulto Pii IX (D. 384. 22 Ianuar. 1858), quando in communi recitatur Rosarium, sufficit ut una tantum persona, quaecumque ea sit de communitate, coronam in manu teneat eaque in recitatione de more utatur, dummodo alii, ceteris curis semotis, se componant pro oratione facienda una cum persona quae tenet coronam.

3º Meditatio mysteriorum Reparationis nostrae eodem tempore quo recitantur oratio Dominicalis et Salutationes Angelicae. Exceptio est pro personis vere rudioribus et meditationi minus idoneis, quae ex Constit. *Pretiosus* 25 Maii 1723 § 4. Bened. XIII lucrari possunt indulgentias si devote et pie Rosarium recitent. Tamen idem Benedictus XIII vult ut huiusmodi personae assuescant, iuxta Rosarii scopum, meditationi sanctissimorum Reparationis nostrae mysteriorum.

Quamvis autem libera sit electio mysteriorum quae recoli debent, tamen consuetudo invaluit ut per gyrum cuiuslibet hebdomadae singula mysteria ita recolantur, nempe gaudiosa in II et V feria, dolorosa in III et VI feria, gloriosa tandem in Dominica, IV feria et Sabbato. (D. 273. 1 Iul. 1839).

Ex dictis sequitur 1º non esse necessariam *oblationem specialem* sive enunciationem mysteriorum antequam singulae decades recitentur (d. c.). Haec tamen oblatio commendanda ad reddendam faciliorrem meditationem.

2º Multo magis non esse necessariam mentionem specialis mysterii in recitatione Salutationis Angelicae, dicendo v. gr. post haec verba *ventris tui Iesus*, haec alia, quem concepisti etc.

CORONAE S. BIRGITTAE. ¹⁾

Corona S. Birgittae instituta a S. Birgitta in memoriam annorum, quos in terris B. Virgo Dei Genitrix transegisse fertur, constat sex decadibus et

¹⁾ Ad ampliorem notitiam harum coronarum hic referimus ea quae de eiusdem habet opusculum cui titulus *Facultas benedicendi coronas cum applicatione indulgentiarum S. Brigidae nuncupatarum Ordini canonicorum regularium SS. Salvatoris Lateranensis attributa*, Romae ex typ. fratrum Monaldi 1878; "Brigidas sive, ut aiunt, Birgittas duas venerant Ecclesia Dei quae interdum licet perperam confunduntur. Altera, quae in Hybernia, S. Patricio auspice ac duce Canonissarum Regularium institutum et secuta est et mirifice propagavit. Altera Svedensis de qua agimus, cuius praeclara sunt Religionis exempla et incitamenta, Revelations nempe illae quae Ecclesia magno semper in honore habuit, Ordo SSmi Salvatoris quem in Wastanensi Monasterio instituit sub regula S. Augustini tam pro viris quam pro mulieribus ita ut eidem Ecclesiae distinctis horis ac locis Deo Salvatori inseruirent fratres et sanctimoniales, et inter cetera, institutio Coronae in memoriam annorum quos in terris B. Virgo Dei Genitrix transegisse fertur. Corona haec constat sex decadibus et in qualibet decade recitatur oratio Dominica, Angelica Salutatio decies repetita et Apostolorum Symbolum, et in fine aliud *Pater noster* cum tribus aliis angelicis salutationibus. Virtutem quam Deus huic Coronae contulit fideles vel ab ipsa institutione experti sunt, et celebre factum est quod enarrat Surius (die 23 Iulii) de aegrota quadam, cuius salus omnino conclamata erat, quam S. Birgitta admovens

in qualibet decade recitatur oratio dominica, angelica salutatio decies repetita et Apostolorum symbolum et in fine aliud *Pater noster* cum tribus aliis salutationibus angelicis.

Conditiones pro *applicatione* indulgentiarum ex parte *applicantis* requiruntur 1º facultas sive a S. Sede

Coronam suam illico integrae valetudini Romae restituit. Hinc cum in dies excrescerent Coronae ipsius usus et cultus, peculiaribus eam indulgentiis donarunt Romani Pontifices Leo X praesertim, Clemens XI et Benedictus XIV, ut allato hic Elencho appareat, ea autem lege ut benedicenda esset nonnisi a Patribus Ordinis SS. Salvatoris quos Sancta ipsa instituerat.

Verum ut indulgentiarum huiusmodi beneficium latius propagaretur, easdem concessere deinde Romani Pontifices Coronis communibus B. Mariae Virginis seu Rosariis vel quinque vel quindecim decadum, et cum in finem elapsi saeculi Ordo S. Brigidae plane senesceret, usque ad extinctionem, facultas benedicendi Coronas communes cum applicatione indulgentiarum S. Brigidae transiit sensim in Ordinem Canonicorum Regularium SS. Salvatoris Lateranensis, ea fortasse de causa quod hic Ordo cum Ordine S. Brigidae societatem nominis, regulae et institutorum aliquot habeat.

Cum vero authentica huiusce facultatis monumenta minime reperirentur fortasse ex iacturis quas saeculo xviii exeunte et anno 1849 Romanum Canonicorum Regularium Tabularium fecerat, hinc Abbas Generalis Canonicor. Regul. SS. Salvatoris Lateranen. ut omnis incertitudo ac dubitatio submoverentur, rerum omnium serie exposita a SS. D. N. Pio Papa IX humiliter petiit ut de Apostolica benignitate consulere dignaretur. Annuit quidem votis Clementissimus Pater, et per Litteras in forma Brevis *Exponendum Nobis nuper*, die 5 Aprilis 1864, et, ut ibidem legitur, *ad memorati Ordinis qui viris bene de re catholica meritis semper eluxit, decus augendum animarumque salutem procurandam*, haec

sive ab Abbe generali canonicorum regularium S. Augustini congregationis SS. Mi Salvatoris, Lateranensis; 2º licet approbata adsit formula benedictionis tamen non necessario sequenda etiam ab illis qui facultatem habuerint a supradicto Abbe. Quare sufficit, ut pro indulgentiis apostolicis, signum Crucis; ex parte *objecti* seu corona, corona potest esse sex decadum vel etiam corona ordinaria quinque vel decem decadum.

Pro *lucratione* indulgentiarum; ad evitandas inutiles repetitiones confer sequens summarium indulgentiarum.

Summarium Indulgentiarum Rosariis, seu Coronis S. Birgittae nuncupatis per PP. Superiores Monasteriorum, aut alios Sacerdotes Ordinis Sanctissimi Salvatoris ad id deputatos benedictis concessarum.

Sanctissimus Dominus N. Benedictus Papa XIV Rosarii, seu Coronis S. Birgittae nuncupatis per PP.

confirmavit, et quatenus opus sit, de novo tribuit atque concessit:

I. Ut Superior Generalis et Superiores locales Ordinis facultate gaudeant benedicendi Coronas precatorias ad quemcumque numerum cum applicatione indulgentiarum S. Birgittae nuncupatarum.

II. Ut eamdem facultatem impertiri valeant Sacerdotibus sui Ordinis.

III. Ut Abbas Generalis *pro tempore* subdelegare in perpetuum possit Sacerdotes saeculares et regulares cuiuscumque Ordinis atque Instituti ad benedicendas Coronas ut supra usque ad n. 300 extra urbem de consensu Ordinariorum. „

Superiores Monasteriorum, aut alios Sacerdotes Ordinis Sanctissimi Salvatoris, sive eiusdem S. Birgittae ad id deputatos benedictis praeter indulgentias a sa. me. Leone X et Clemente XI ut infra concessas, et a S. Congregatione Indulgentiis Sacrisque Reliquis praeposita sub die 4 Decembris 1714 recognitas et approbatas, alias per suum Breve diei 15 Ianuarii 1743 novissime addidit atque concessit:

I. Qui pro suo arbitrio Rosarium seu Coronam S. Birgittae nuncupatae, ut supra, benedictam devote recitaverit, centum dierum pro qualibet oratione Dominica et pro qualibet salutatione Angelica, nec non centum dierum pro quolibet, si dixerit, symbolo Apostolico indulgentiam lucrabitur. Leo X 6 Idus Iulii 1515.

II. Qui dictum Rosarium, seu Coronam integrum quindecim decadum recitaverit, praeter praedictas centum dierum, etiam septem annorum totidemque quadragenarum indulgentiam acquiret. Idem Leo X loc. cit.

III. Qui idem Rosarium, seu Coronam cum alio vel aliis recitaverit, omnes et singuli recitantes easdemmet indulgentias, perinde ac si quisque seorsim id egerit, consequentur. Idem Leo X loc. cit.

IV. Quilibet easdem indulgentias aut sibi acquirere, aut per modum suffragii animabus Purgatoriis applicare valet. Benedictus XIV 10 Martii 1742.

V. Qui dictam Coronam quinque saltem decadum per integrum annum quotidie recitaverit, et vere poenitens, confessus ac S. Communione refectus, pro christianorum Principum concordia, haeresum extirpatione et S. Matris Ecclesiae exaltatione

pias ad Deum preces effuderit, die per unumquemque semel in anno plenariam omnium peccatorum suorum indulgentiam cum facultate illam etiam per modum suffragii animabus fidelium defunctorum applicandi, adipiscetur. Clemens XI 22 Sept. 1714.

VI. Qui saltem semel in hebdomada dictam Coronam quinque saltem decadum recitare consueverit, et in festo eiusdem S. Birgittae confessus et S. Communione refectus propriam cuiusque parochiale Ecclesiam devote visitaverit, ac in ea, ut praefertur, oraverit, plenariam omnium suorum peccatorum indulgentiam assequetur. Bened. XIV 15 Ian. 1743.

VII. Qui in *articulo mortis* constitutus animam suam Deo devote commendans, praemissa peccatorum suorum confessione, sumptaque Sanctissima Eucharistia, si potuerit, sin minus, elicita cordis contritione, ore si potuerit, alioquin corde saltem Iesus Nomen invocaverit, plenariam omnium peccatorum suorum indulgentiam consequetur. Idem loc. cit.

VIII. Qui eamdem Coronam per mensem continuum quotidie recitaverit, et confessus ac S. Communione refectus die intra eiusmodi mensem per unumquemque eligenda aliquam Ecclesiam devote visitaverit, ac in ea Deum, prout supra, oraverit, plenariam omnium peccatorum suorum indulgentiam lucrabitur. Idem loc. cit.

IX. Qui eamdem Coronam penes se deferens pro Christifidelibus in agone constitutis ad signum campanae flexis genibus Deum deprecabitur, qua vice id egerit, indulgentia dierum quadraginta fruetur. Idem loc. cit.

X. Qui apud se dictam Coronam habens vere pec-

catorum suorum poenitens conscientiam suam examinaverit, ac ter orationem Dominicam et ter Salutationem Angelicam recitaverit, indulgentia viginti dierum gaudebit.

XI. Qui ipsam Coronam retinens sacrosancto Misae Sacrificio quocumque feriato vel festivo die, aut verbi Dei praedicationi devote interfuerit, aut Sanctissimum Eucharistiae Sacramentum, dum ad aliquem infirmum defertur associaverit: aut devium aliquem ad viam salutis reduxerit; vel in honorem D. N. Iesu Christi, seu B. Mariae Virginis, aut eiusdem S. Birgittae quocumque pium opus peregerit, et ter orationem Dominicam, terque Salutationem Angelicam recitaverit, indulgentiam centum dierum consequetur. Idem loc. cit.

XII. Quilibet omnes et singulas praefatas indulgentias, ac peccatorum remissionses nec non poenitentiarium relaxations aut sibi, aut per modum suffragii animabus fidelium defunctorum applicare poterit. Idem loc. cit.

Ad lucrificandas omnes et singulas praedictas indulgentias eiusmodi Coronae seu Rosaria a praefatis PP. Ordinis Sanctissimi Salvatoris, sive S. Birgittae debent esse prius benedicta, aliter nulla prorsus gaudent indulgentia.

Sacra Congregatio Indulgentiis, Sacrisque Reliquiis praeposita innovando Decreto die 26 Novembris 1714 vetuit ne eiusmodi Coronae seu Rosaria, utpote benedicta vendantur, aut alteri commodentur, aut precario dentur, alioquin careant indulgentiis iam concessis, et aliqua perdita altera pro ea subrogari nullo modo possit, nisi a quibus supra bene-

dicta fuerit. Insuper ad humillimas preces moderni praedicti Ordinis Procuratoris Generalis suprascriptum Indulgentiarum Summarium, annuente ad relationem per me infrascriptum Secretarium factam Sanctissimo D. N. Benedicto PP. XIV sub die 9 Februarii 1743 quocumque idiomate in quibuslibet locis catholicis imprimi posse censuit.

A. CARD. S. CLEMENTIS

A. M. Erba Prot. Ap. Secr.

S. Congregatio Indulgentiis Sacrisque Reliquiis praeposita praesens Summarium uti authenticum recognovit typisque imprimi ac publicari permisit. Datum Romae ex Secretaria eiusdem S. Congregationis, die 9 Iulii 1878.

CORONAE BENEDICTAE A CRUCIGERIS.¹⁾

Coronae per Crucigeros benedictae habent adnexam indulgentiam *quingentorum* dierum, quoties oratio dominica vel salutatio angelica devote cum

¹⁾ Admonendi sunt fideles ne huiusmodi coronae in detrimentum cedant Rosarii S. Dominici; devotio enim Rosarii quam maxime semper commendata est a sanctis viris atque a RR. PP. Sufficeret legere quae de hac devotione habet SS. D. Noster Leo XIII in Encyclica die viii septembris anno mcccxcii, cuius conclusio haec est "Ergo Rosarium Mariae Virginis, in quo apte utiliterque habentur coniuncta et eximia precationis formula et idoneum fidei conservandae instrumentum, et insigne specimen perfectae virtutis, dignum plane est quod veri nominis christianis sit frequenter in manibus, piaque recitatione et meditatione colatur ,:

iisdem recitatur. (D. S. I. C. die 15 Martii 1884 in *Acta S. Sedis*, vol. xvi, pag. 404). Pro applicatione indulgentiarum requiritur ut coronae benedictae sint a Magistro generali Ordinis Sanctae Crucis vel a sodalibus eiusdem Ordinis a Magistro generali ad id specialiter deputatis; nulla est forma specialis pro his coronis: sufficit ut sit corona B. M. V.

§ 5. *Indulgentiae statuae S. Petri.*

Indulgentia quinquaginta dierum, singulis vici- bus, concessa iis qui vere penitentes devote deosculantur pedem statuae aeneae S. Petri in Basilica Vaticana, ac simul preces fundunt pro concordia principum christianorum haeresum extirpatione et exaltatione S. Matris Ecclesiae.

Item indulgentia quinquaginta dierum semel in die lucranda ab iis qui detinentes parvam statuam S. Petri ad similitudinem illius quae in Basilica Vaticana colitur, illius Pedem modo dicto deosculentur, quam indulgentiam lucrari possunt singuli de eadem familia qui una simul morantur. Sed requiri- tur ut eadem parva statua a Romano Pontifice fuerit benedicta.

(Raccolta pag. 385; — *Indulgenze della Sacro-santa Basilica Vaticana pel sacerdote Filippo Ma-*

monendi pariter sunt fideles ac praesertim piae personae ne in seligendis pietatis atque charitatis operibus, sicut etiam piis associationibus, ducantur, hebraico more, ex calculo, librantes veluti in statera indulgentias ac privilegia, sed potius ex maiori charitatis fervore quam ex iisdem spe- rare possunt.

ria Mignanti beneficiato in quella. Roma, Tipografia di Giovanni Cesaretti; cap. 13 della statua di S. Pie- tro, pag. 81).

CAPUT III.

De Indulgentiis localibus.

Indulgentiae locales sunt indulgentiae quae ad- nexae sunt alicui loco (v. s. pag. 8) et sunt vel stricte locales vel late locales seu mixtae (l. c.); item stricte locales vel sunt adnexae loco intuitu et favore ipsius loci vel non (v. s. pag. 75).

Haec prae oculis habenda sunt ut recte iudicetur de eiusmodi indulgentiis ac praesertim quoad earum- dem suspensionem cessationem et translationem.

Advertendum est etiam quod indulgentiae hae obtineri possunt vel immediate vel per communica- tionem. In appendice referemus indulgentias quae obtinentur per aggregationem Basilicis S. Petri in Vaticano et S. Joannis in Laterano.

His praemissis aliquid dicemus de praecipuis indulgentiis localibus.

Art. I.

DE INDULGENTIIS STATIONALIBUS.

§ 1. De notione.

Indulgentiae stationales sunt indulgentiae quae acquiruntur a visitantibus Ecclesiam in qua locum habet statio.

“ A primis Ecclesiae saeculis originem dicit pia praxis visitandi Romae Ecclesias stationales nuncu-